

moanchmol mettn in dr Zeile rein, doas es zum Tüdtlachen woar, wemmer zuhierte, wie se bale soang, bale blies, bale pinkte, bale schimpfte.

Wenn ader de Dandacht o ne zu gruß gewasen sein moag, ich denke, dar liebe Gutt hot do sene Frede oan dan Gesang gehoat, denn doas Reseniren war ne biese gemeht, un blosen mußte se doa, und ich wöllte, doas man oan jeden Murgen aus jeden Hause bein Foiermachen a Lied hierte, un ne nor Fluchen un Schimpfen uff de Loite, wiechs ästersch traffe. Do hoat unser Harr Gutt gewiß fen Gefoallen droan.

Rbt.

Woas fer de Manner.

Unger dan ahlen Mannervulke do gebts doa metunger meschantje Roarlen. Wenn se Gene han wullen, do kinn se schmoaruzen un bischbern un schiene thun, as wie der heil'ge Christ. Ader wenn ärscht Gene su dumm es un gieht uff'n Leim un se hot'n oan Hoalse, do wees ar aus der Trauräde weiter nischt, as: „die Weiber seien unterthan ihren Männern,“ un doas gieht'n do goar nischt oan und hot ar ne zu verantwort'n, sunnern nor doas Angre: „Ihr Männer, liebet eure Weiber,“ ader do thun se, as hätten se doas goar ne gehiert. Do kenn'ch Genen, dar noahmch anne Geschiedne. Wiechs hierte, doas dar öm se gänge, do dochtch glei: die hot'n Bockl wull no ne vull Liebe genung. Un su woarsch o. Se hotte höbsch Geld un woar a sielengutt's Weibsn, ader ne schiene, und ha woar a oansahnlicher Mensch und hotte an Goarten vuller Schuld un war geldhungerg, wie der Deisl uff anne Seele, ader funnte su guttsfärchtg räden un thun, doas mer denken mußte: ne su Gen, dan nähmst der! Hot dar doas oarme Weibsen geplogt, 's woar zun Gutterbarm'n. Schind'n hottch se missen uff'n Felde, wie a Stöcke Vieh, un ne soatt assen hättch se miegen, un as se in Kindsniethn loag, un de Boademotter¹⁾ mehnte, se wärd'n wull'n Docter hulen missen, do hot ersch Blaue vun Himmel runger geflucht: dar wärde ne gehult! Sicke Unmensch'n sein nu gleecklicher Weise ne oalle Mannsen, sunst wär'n se

¹⁾ Hebamme.